

Na osnovu člana 14. Zakona o udruženjima i fondacijama (Službene novine Federacije bosne i Hercegovine br. 45/02), Skupština Udruženja filmskih radnika BiH, na sjednici održanoj dana 15.1.2014. godine, donosi

**S T A T U T**  
**UDRUŽENJA FILMSKIH RADNIKA u FEDERACIJI BOSNE I HERCEGOVINE**  
**-pročišćeni tekst-**

**OPĆE ODREDBE**

**Član 1.**

Udruženje filmskih radnika Federacije Bosne i Hercegovine (u daljnjem tekstu: Udruženje) je vanstranačka organizacija filmskih umjetnika, autora i saradnika koji se slobodno i dobrovoljno udružuju radi ostvarivanja pojedinačnih ciljeva u filmskoj djelatnosti.

**Član 2.**

Statutom Udruženja utvrđuju se ciljevi i zadaci Udruženja, prava i dužnosti članova, način organiziranja i djelovanja Udruženja, javnost rada i informiranja članova, sredstva za rad Udruženja, prestanak rada Udruženja, kao i druga pitanja vezana za organizaciju i rad Udruženja.

**Član 3.**

Naziv Udruženja je: Udruženje građana filmskih radnika Federacije Bosne i Hercegovine.  
Sjedište Udruženja je u Sarajevu, u ulici Branilaca Sarajeva 20/3.

**Član 4.**

Udruženje djeluje na teritoriji Federacije Bosne i Hercegovine, i na teritoriji Bosne i Hercegovine u skladu sa zakonom.

**Član 5.**

Udruženje ima svojstvo pravnog lica sa pravima i obavezama koja proizilaze iz Zakona i ovog Statuta.

**Član 6.**

Djelatnost Udruženja temelji se na Zakonu o udruženjima i fondacijama i ovom Statutu.

**Član 7.**

Udruženje ima pečat i štambilj. Pečat Udruženja je okruglog oblika, prečnika 3,00 cm, sa tekstom u krugu pečata, upisanim latinicom i ćirilicom, koji glasi: Udruženje građana filmskih radnika Bosne i Hercegovine Sarajevo, dok se u sredini nalazi amblem Udruženja.

Štambilj Udruženja je pravougaonog oblika, veličine 6,50 x 2,50 cm i sadrži naziv Udruženja, te mjesto za broj i datum za upisivanje podataka o prijemu, kao i otpremi službenih akata. Pečat i štambilj Udruženja upotrebljavaju se i čuvaju na način koji se utvrđuje posebnim aktom Udruženja, a kojeg donosi Upravni organ Udruženja.

### **Član 8.**

Udruženje predstavlja i zastupa Predsjednik Upravnog odbora, a, u njegovoj spriječenosti, Sekretar Udruženja. Predsjednik može prenijeti svoje ovlaštenje i na pojedinog člana Upravnog odbora, kada se za to ukaže potreba.

## **CILJEVI I ZADACI UDRUŽENJA**

### **Član 9.**

Programski ciljevi Udruženja su: zalaganje za kvalitet filmskog stvaralaštva i razvoj filmske umjetnosti u Bosni i Hercegovini kao i zalaganje za ispravnu kadrovsku politiku i podsticanje adekvatnog obezbjeđenja uslova na podizanju stručnog nivoa članova Udruženja putem seminara, stručnih predavanja, školovanja i sl, zalaganje za stalnu brigu o društveno-ekonomskom položaju umjetnika i suradnika, zalaganje za status slobodnih umjetnika, sve u okviru svojih mogućnosti; zalaganje za što neposredniju saradnju sa svim ustanovama koje se bave filmom i filmskom umjetnošću; zalaganje za dodjelu priznanja i nagrada svima koji su postigli uspjehe na području filmskog stvaralaštva; zalaganje na poslovima međunarodne suradnje, kao i drugim poslovima koji su vezani za afirmaciju i uspjeh filma, filmskog stvaralaštva i filmske umjetnosti kod nas i u svijetu.

## **DJELATNOST UDRUŽENJA**

### **Član 10.**

Djelatnosti Udruženja su: rad na kontinuiranoj filmskoj proizvodnji u BiH, promocija bosanskohercegovačke filmske produkcije u zemlji i svijetu kao i bh. kinematografije, zaštita prava članova Udruženja filmskih radnika BiH u filmskim ekipama, nagrađivanje članova Udruženja filmskih radnika BiH adekvatnim priznanjima i nagradama, aktivno učešće u kreiranju zakona koji regulišu filmsku produkciju, distribuciju i generalno kinematografiju i sl.

## **PRAVA I DUŽNOSTI ČLANOVA**

### **Član 11.**

Član Udruženja može biti državljanin Bosne i Hercegovine, strano lice koje ima stalni ili privremeni boravak u BiH, na način propisan Statutom. Maloljetna lice mogu sudjelovati kao članovi u radu Udruženja na način propisan Statutom.

Statutom Udruženja može se predvidjeti postojanje počasnih članova.

Članovi Udruženja filmskih radnika BiH imaju pravo: da učestvuju u svim oblicima rada i djelovanja Udruženja, da budu birani u organe upravljanja, da učestvuju u upravljanju, obrazovanju i usavršavanju, da ravnopravno učestvuju na manifestacijama i smotrama koje Udruženje organizira ili na kojem učestvuju, da budu informirani o radu Udruženja, te da odlučuju o svim drugim pitanjima vezanim za egzistenciju i radna prava.

### **Član 12.**

Članovi Udruženja imaju sljedeće dužnosti: da prihvataju odredbe Statuta i Kodeksa filmskih radnika, da preuzimaju obaveze koje proistječu iz normativnih akata i zaključaka

Skupštine i Upravnog odbora, da snose odgovornosti za preuzete obaveze, da učestvuju u radu stručnih komisija, da redovno plaćaju članarinu.

#### **Član 13.**

Članstvo u Udruženju prestaje: istupanjem iz članstva, brisanjem ili isključenjem, smrću člana, prestankom rada Udruženja, neplaćanjem članarine.

#### **Član 14.**

Istupanjem iz članstva brisat će se onaj član koji zatraži da mu članstvo prestaje po sopstvenom zahtijevu ili iz zdravstvenih razloga. Članu Udruženja prestaje članstvo brisanjem ili isključenjem ukoliko: se neopravdano prestane baviti filmskom djelatnošću u trajanju od jedne godine, duže od jedne godine nije platio članarinu, je narušio odredbe Statuta i Kodeksa.

#### **Član 15.**

Odluku o isključenju iz članstva donosi Upravni odbor Udruženja. Iz članstva će se isključiti ili brisati oni članovi za koje se steknu uslovi pojedinačno, a ne kumulativno.

#### **Član 16.**

Protiv Odluke Upravnog odbora o brisanju ili isključenju može se uložiti prigovor Skupštini Udruženja, u roku od 30 dana od prijema Odluke. Odluka Skupštine je konačna.

#### **Član 17.**

Članstvo Udruženja sačinjavaju: filmski radnici (umjetnici, autori i suradnici) koji profesionalno, u vidu zanimanja, obavljaju poslove iz filmske djelatnosti i imaju znanje verificirano od nadležnog organa, te filmski autori i počasni članovi.

#### **Član 18.**

Prijem u članstvo Udruženja vrši Upravni odbor po odredbama Pravilnika i kriterija o prijemu u članstvo Udruženja.

#### **Član 19.**

Počasnim članom može postati javni i kulturni radnik ako je svojom aktivnošću i radom u oblasti kinematografije, ili na neki drugi način, doprinio unapređenju filmskog stvaralaštva i filmske kulture Bosne i Hercegovine.

### **NAČIN ORGANIZIRANJA UDRUŽENJA**

#### **Član 20.**

Organi upravljanja Udruženja su: Skupština, Upravni odbor i Nadzorni odbor po potrebi.

#### **Član 21.**

Najviši organ upravljanja Udruženja je Skupština. Skupštinu Udruženja sačinjavaju svi članovi Udruženja koji su potpisali pristupnice i koji se dobrovoljno učlanuju u Udruženje.

#### **Član 22.**

Skupština Udruženja :

1. Donosi statut, izmjene i dopune statuta i druge akte određenje statutom;
2. Daje saglasnost na pravne radnje poduzete postupku osnivanja Udruženja;

3. Bira i opoziva članove Upravnog odbora ili, ukoliko Statutom Upravni odbor nije predviđen kao poseban organ, imenuje i opoziva lice ovlašteno za zastupanje i predstavljanje Udruženja;
4. Usvaja izvještaje koje je pripremio Upravni odbor ili lice ovlašteno za zastupanje i predstavljanje;
5. Odlučuje o udruživanju u saveze, pripajanju, razdvajanju, transformaciji, prestanku rada i drugim statusnim promjenama Udruženja;
6. Odlučuje o svim pitanjima koja nisu u nadležnosti drugog organa.

Skupština Udruženja se saziva po potrebi i to Izborna Skupština, jednom svake dvije godine ili četiri godine što odlučuje Upravni odbor UFRBIH, a Radna Skupština jednom godišnje. Skupštinom predsjedava radno tijelo koje biraju članovi Skupštine iz svojih redova. U radno tijelo biraju se tri člana i Predsjednik Upravnog odbora Udruženja.

#### **Član 23.**

Redovnu Skupštinu saziva Upravni odbor Udruženja, petnaest dana prije održavanja. Svim članovima se dostavljaju odgovarajući materijali za sjednicu, sa pozivom u kojem je naznačen dnevni red sjednice.

#### **Član 24.**

Vanredna Skupština može se sazvati i u kraćem roku. Varednu Skupštinu može sazvati Upravni odbor, Nadzorni odbor ili jedna trećina članova Udruženja. Vanredna Skupština raspravlja i donosi odluke o onim pitanjima zbog kojih je i sazvana.

#### **Član 25.**

Skupština obavlja sljedeće poslove: donosi Poslovnik o radu Skupštine i njenih tijela, donosi Statut i druga opća akta Udruženja, donosi Program rada i utvrđuje programske smjernice, razmatra prispjele žalbe članova i donosi konačnu odluku po žalbama, usvaja izvještaj Nadzornog odbora, opoziva i bira članove Upravnog odbora i Nadzornog odbora, dodjeljuje nagrade i priznanja, u slučaju prestanka rada Udruženja donosi odluke o imovini, vrši i druge poslove od interesa za Udruženje.

#### **Član 26.**

Upravni odbor odnosno lice ovlašteno za zastupanje i predstavljanje Udruženja, ako Statutom nije predviđeno postojanje Upravnog odbora:

1. Priprema sjednice Skupštine;
2. Priprema i predlaže nacrt izmjena Statuta i drugih akata koje donosi Skupština;
3. Provodi politiku, zaključke i druge odluke koje je donjela Skupština;
4. Upravlja imovinom Udruženja;
5. Podnosi dvogodišnje ili periodične izvještaje o svom radu Skupštini na usvajanje;
6. Vršiti druge poslove određene Statutom.

Upravni odbor broji 7 članova Udruženja.

Upravni odbor punovažno radi ako sjednici prisustvuje većina članova, a odlučuje većinom glasova ukupnog broja članova Upravnog odbora Udruženja.

#### **Član 27.**

Skupština bira Predsjednika i šest (6) članova Upravnog odbora Udruženja. Predsjednik i članovi Upravnog odbora biraju se tajnim glasanjem. Mandat predsjednika i Upravnog odbora je dvije godine, a može se samo još jednom izvršiti reizbor na sastaku Upravnog odbora ili na Skupštini. Na redovnoj Skupštini potvrđuje se, ili uskraćuje, mandat članovima Upravnog odbora pojedinačno.

### **Član 28.**

Upravni odbor obavlja sljedeće poslove: priprema i utvrđuje nacрте i prijedloge Statuta, Poslovnika i drugih općih akata koje donosi Skupština, priprema i utvrđuje Program rada i Izvještaj o radu za protekli period, donosi odluke o sazivanju Skupštine i priprema sve potrebne materijale za rad Skupštine, upravlja imovinom Udruženja u skladu sa važećim propisima i odgovornošću, donosi odluke o visini članarine za članove, bira Sekretara Udruženja, imenuje stručne komisije u Udruženju, jednom godišnje vrši reviziju članstva i donosi odluke o brisanju ili isključenju iz članstva, donosi razne pravilnike, donosi odluke o nagradama, obavlja i druge poslove koji proizilaze iz odredaba Statuta, zaključaka Skupštine i zakonskih propisa.

### **Član 29.**

Dužnosti Predsjednika Upravnog odbora su: da sprovodi odluke i zaključke Skupštine i Upravnog odbora Udruženja, da sazove Skupštinu i podnese izvještaj o radu između dvije Skupštine, da saziva sjednice Upravnog odbora i da istim predsjedava, da potpisuje akta koja donosi Upravni odbor, da zastupa Udruženje u odnosu prema trećim licima. Predsjednik Upravnog odbora za svoj rad odgovara Skupštini i Upravnom odboru Udruženja, te obavlja i druge poslove koje mu Skupština, odnosno Upravni odbor stave u zadatak.

### **Član 30.**

Nadzorni odbor od tri člana bira Skupština po potrebi. Mandat članova Nadzornog odbora traje dvije godine. Nadzorni odbor bira između svojih članova Predsjednika. Nadzorni odbor donosi odluke većinom glasova. Nadzorni odbor Skupštine vrši kontrolu rada i izvještaj o radu podnosi Skupštini. Za članove Nadzornog odbora ne mogu biti birani kandidati koji su već birani u neka tijela Skupštine.

### **Član 31.**

Generalni sekretar Udruženja obavlja sljedeće poslove: priprema sjednice Skupštine i sjednice Upravnog odbora, uz saglasnost sa Predsjednikom, radi na pripremanju i izradi izvještaja o radu za protekli period i izradi Programa rada za narednu godinu, informira Upravni odbor o sjednicama na kojima je, u ime Udruženja, prisustvovao, rukovodi radom Stručne službe, radi na programu UFRBIH, te obavlja i druge poslove koje mu Upravni odbor svojim zaključcima stavi u zadatak. Generalnog sekretara potvrđuje Upravni odbor.

### **Član 32.**

U Udruženju se utvrđuju sekcije: Sekcije autora i Sekcije filmskih suradnika. Sekcije iz svog sastava biraju Predsjednika na vrijeme od jedne godine. Predsjednik sekcije saziva sjednice kojima i predsjedava. Na sjednici sekcije vodi se zapisnik koga potpisuje Predsjednik sekcije.

### **Član 33.**

Udruženje se može udruživati u saveze ili pripojiti, razdvojiti ili transformisati samo u drugo udruženje ili fondaciju. Savez se upisuje u registar i danom upisa stiče svojstvo pravnog lica. Udruženje može imati svoje organizacione oblike (podružnice, ogranke, klubove i slično) u skladu sa Statutom.

Sekcije u okviru svog djelokruga vrše sljedeće aktivnosti: donose programe rada sekcija na osnovu Programa rada Udruženja za kalendarsku godinu, prate rad svojih članova i realizaciju programa rada, raspravljaju o izmjenama i dopunama normativnih akata i svoje prijedloge daju u pismenoj formi nadležnoj komisiji za izradu normativnih akata,

raspravljaju o drugim pitanjima o kojima je potrebno da Upravni odbor donese odluke i preporuke.

#### **Član 34.**

Za vršenje poslova iz djelokruga rada Udruženja Upravni odbor može obrazovati stalne i privremene komisije ili radne grupe. Aktom o obrazovanju ovih komisija određuje se njihov sastav, vrijeme na koje se osnivaju i radni zadaci. Na sjednici komisije vodi se zapisnik koga potpisuje Predsjednik komisije.

#### **Član 35.**

Komisija vrši svoje poslove u sjednicama. Sjednice komisije saziva Predsjednik. Sjednicu komisije može sazvati i Upravni odbor Udruženja.

#### **Član 36.**

Komisija može punovažno odlučivati ako sjednici prisustvuje nadpolovična većina njenih članova, a odluke se donose većinom glasova od ukupnog broja članova.

#### **Član 37.**

Upravni odbor bira dobitnika godišnje nagrade Udruženja filmskih radnika BiH ili imenuje žiri za utvrđivanje prijedloga o dodjeli nagrade Udruženja prema Pravilniku o nagradi.

#### **Član 38.**

Udruženje izdaje štampani materijal za potrebe svojih članova ili ga objavljuje na svojoj webstranici. Štampani material u obliku letka, kataloga i slično Udruženja izdaje se prema potrebi, a distribuira se svim članovima Udruženja i institucijama zainteresiranim za rad Udruženja.

### **POSLOVI STRUČNE SLUŽBE UDRUŽENJA**

#### **Član 39.**

Za obavljanje stručnih poslova, Udruženje formira stručnu službu. Stručna služba obavlja stručne, administrativne, računovodstvene, knjigovodstvene, personalne i druge poslove koji su utvrđeni Pravilnikom Udruženja.

#### **Član 40.**

Upravni odbor je nadležan da odlučuje o pravima i o obavezama radnika Stručne službe. Pravilnike koji regulišu prava i obaveze radnika Stručne službe donosi Upravni odbor, uz saglasnost radnika Stručne službe.

#### **Član 41.**

Rad Udruženja je javan. Informiranje članova Udruženja vrši se pravovremenim dostavljanjem skupštinskih materijala, informativnih biltena i drugih obavještenja, posredstvom sredstava javnog informisanja, saopćenja, izvještaja, biltena i sl. Udruženje informiše širu javnost o najznačajnijim pitanjima rada Udruženja. Javnost sjednica Upravnog odbora i informiranje javnosti je u nadležnosti Upravnog odbora i Predsjednika.

## NAČIN DONOŠENJA STATUTA, IZMJENA I DOPUNA STATUTA

### **Član 43.**

Statut Udruženja donosi Skupština većinom glasova prisutnih članova. Izmjene i dopune Statuta donose se u postupku, na način kao i kod donošenja Statuta.

## IMOVINA UDRUŽENJA

### **Član 44.**

Imovinu Udruženja čine:

1. Članarine;
2. Dobrovoljni prilozi i pokloni fizičkih i pravnih lica;
3. Sredstva dodijeljena iz budžeta;
4. Prihodi od kamata, dividendi, dobit od kapitala, zakupnina, honorara i sličnih izvora pasivnih prihoda;
5. Prihodi stečeni obavljanjem privredne djelatnosti;
6. Drugi prihodi stečeni, u skladu sa zakonom i statutom.

### **Član 45.**

Naredbodavac za izvršenje finansijskog plana prihoda i rashoda Udruženja su Sekretar i Predsjednik Upravnog odbora. Po isteku kalendarske godine, sastavlja se godišnji obračun Udruženja. Sastavni dio godišnjeg obračuna je Izvještaj o radu za protekli period. Finansijski plan prihoda i rashoda realizuju radnici Stručne službe.

## PRESTANAK RADA UDRUŽENJA

### **Član 46.**

Udruženje prestaje sa radom:

1. Ako nadležni organ Udruženja donese odluku o prestanku rada ili odluku o pripajanju, razdvajanju, ili transformaciju Udruženja;
2. Ako su ispunjeni uvjeti iz člana 9. stav 4. Zakona o udruženjima i fondacijama, ili ako se utvrdi da je Udruženje prestalo djelovati.

Smatrat će se da je Udruženje prestalo djelovati:

1. Ako je proteklo dvostruko više vremena od vremena utvrđenog Statutom Udruženja za održavanje Skupštine, a Skupština Udruženja nije održana (više od 6 godina);
2. Ako se broj članova Udruženja smanji ispod broja određenog Zakonom o udruženjima i fondacijama za osnivanje udruženja, a Skupština Udruženja u roku od tri mjeseca od dana nastupanja ove okolnosti ne donese odluku o prijemu novih članova.

Nezavisno od odredbi stava 2. tačka 2. ovog člana, Udruženje neće prestati ako prijem novih članova nije moguć zbog objektivnih okolnosti koje su prouzrokovane prirodom i statutarnim ciljevima i djelatnosti Udruženja.

Kada Federalno Ministarstvo odnosno Kantonalni organ utvrdi činjenice stava 1. ovog člana, donosi rješenje o prestanku rada Udruženja.

**Član 47.**

U slučaju prestanka rada i postojanja, Skupština Udruženja donosi Odluku o čuvanju, namjeni i upotrebi imovine Udruženja, a u suprotnom imovina se prenosi Federalnom Ministarstvu kulture i sporta BiH.

**PRIJELAZNE I ZAVRŠNE ODREDBE**

**Član 48.**

Opći akti koje donosi Skupština usaglasit će se sa ovim Statutom na istoj sjednici Skupštine, kao i akti koje donosi Upravni odbor.

**Član 49.**

Tumačenje odredaba ovog Statuta daje Skupština, a izmjene i odluke Statuta i drugih akata Udruženja vrše se na zakonom propisani način.

**Član 50.**

Danom stupanja na snagu ovog Statuta prestaje da važi Statut od 20. decembra 2010. godine, br: 92/10.

Broj: 08a/14

Datum: 15.1.2014.

Predsjednica Skupština

Amra Bakšić Čamo